

لا اخاف من ضابط
ولا عريف
طلع خوفا من نفسي
واني بعشق الوهم والتزييف
ملعون ابوك يا مدرستي
علمتيني الالف ازاي ينكسر
ومكانه في الجملة ضعيف

قصيدة (احساسى بيك)

من كتر احساسى بيك
فى حياتى
غنوه وموال
وقلبى اللى بعمره شارىك
عاشقك حقيقه وخيال
شايفك قمر

ع الارض ماشي
والطريق مفروش حنيه
حتي الاسيه
اتبدلت وصال
يا ابتسامه الفجر
خيطة الصبح
عناقيد علي حدودك
والليال العشر
ليوم الحشر
انا واقف علي حدودك
لا انا خايف م السنين
ولا عامل حساب الايام
ولا شاري بعمرى فرحه
ولا بايع حياتى بكاام
مش عارف اذوق الكلام
ولا قلبي قادر ع الخصام

من كثر احساسى بيك

عايش وف قلبى هيام

قصيدة (امسحوا اسمي)

عديت

كام رصاصه فى قلب الاحبه

عدت

لا الجرح ها يطيب

ولا اللي مات له تمن

فى زمن يا دوب اقدر

اقدر اشترى له كفن

عد انت رصاصك

شوف كام واحد مات

وكام اندفن

اصل الحياه ما بقتش سهله

ومش مستهله اعيش